



ZAPISNIK O RADU 28. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 04.10.2022. GODINE

Broj: 01-GV-02-1449/22

Sarajevo: 04.10.2022. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
7. Adi Škaljić, predsjedavajući Kluba gradskih vijećnika Naše stranke
8. Muamer Mekić, predsjedavajući Kluba gradskih vijećnika Socijaldemokratske partije BiH
9. Marijela Hašimbegović, predsjedavajuća Kluba gradskih vijećnica „Demokratska fronta-Enisa Spahić-Amra Zulfikarpašić“
10. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
11. Bajro Biber, predsjedavajući Kluba gradskih vijećnika „USD-BOSS“
12. Jasmin Skorupan, zamjenik predsjedavajućeg Kluba gradskih vijećnika „Korora/Skorupan“
13. Mila Eminović, sekretar Gradskog vijeća

Sjednici je prisustvovala, po ovlaštenju Gradonačelnice, Aida Bajramović, rukovodilac Stručne službe za poslove kabineta i poslove Gradske uprave.

Sjednici su prisustvovali: Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u **14.07** sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** Zapisnik o radu 27. sjednice Kolegija Gradskog vijeća, održane 01.09.2022. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 28. sjednice Kolegija Gradskog vijeća, tako da glasi:

1. Utvrđivanje Nacrta Programa rada Gradskog vijeća Grada Sarajeva za 2023. godinu
2. Priprema za održavanje 20. sjednice Gradskog vijeća Grada Sarajeva
3. Predlaganje kandidata za članove „Odbora za dodjelu Šestoaprilske nagrade Grada Sarajeva“ za 2023. godinu iz reda istaknutih javnih djelatnika
4. Tekuća pitanja



Ad 1)

Utvrđivanje Nacrta Programa rada Gradskog vijeća Grada Sarajeva za 2023. godinu

Uvodne napomene podnio je **Jasmin Ademović, predsjedavajući Gradskog vijeća.**

Istakao je da su u Nacrt Programa rada Gradskog vijeća Grada Sarajeva za 2023. godinu uvrštene teme koje su dostavili subjekti utvrđeni u Poslovniku Gradskog vijeća Grada Sarajeva, da su prijedlozi dostavljeni članovima Kolegija Gradskog vijeća uz materijal koji se razmatra, da okosnicu Programa čine zakonske i statutarne obaveze te prijedlozi Gradonačelnice i radnih tijela Gradskog vijeća kao i prijedlozi gradskih općina.

Podsjetio je da je obaveza Kolegija Gradskog vijeća, kao ovlaštenog predlagača Programa, da utvrdi Nacrt Program i uputi ga Gradskom vijeću na razmatranje, te da je uz materijal dostavljen i prijedlog zaključka kojim bi Gradsko vijeće Nacrt Programa uputilo u javnu raspravu, a koji je, također, potrebno da Kolegij utvrdi i uputi Gradskom vijeću.

Upoznao je članove Kolegija Gradskog vijeća da će sva radna tijela, u pripremi 20. sjednice Gradskog vijeća, razmatrati Nacrt Programa, te da i članovi Kolegija mogu uzeti učešće u razmatranju istog, putem radnih tijela.

Naglasio je da će poslije održanih sjednica radnih tijela, ponovno, biti održana sjednica Kolegija Gradskog vijeća kako bi se Kolegij, prije održavanja sjednice Gradskog vijeća, očitovao o mišljenjima radnih tijela.

Zatim je **Jasmin Ademović, predsjedavajući Gradskog vijeća** predložio sljedeći zaključak:

1. Utvrđuje se Nacrt Programa rada Gradskog vijeća Grada Sarajeva za 2023. godinu i upućuje se Gradskom vijeću Grada Sarajeva na razmatranje (utvrđeni Nacrt Programa je u prilogu ovog zaključka).
2. Utvrđuje se Prijedlog Zaključka kojim bi Gradsko vijeće Grada Sarajeva utvrđeni Nacrt Programa rada Gradskog vijeća Grada Sarajeva za 2023. godinu uputilo u javnu raspravu (utvrđeni Prijedlog Zaključka je u prilogu ovog zaključka).

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** sljedeći zaključak:

1. Utvrđuje se Nacrt Programa rada Gradskog vijeća Grada Sarajeva za 2023. godinu i upućuje se Gradskom vijeću Grada Sarajeva na razmatranje (utvrđeni Nacrt Programa je u prilogu ovog zaključka).
2. Utvrđuje se Prijedlog Zaključka kojim bi Gradsko vijeće Grada Sarajeva utvrđeni Nacrt Programa rada Gradskog vijeća Grada Sarajeva za 2023. godinu uputilo u javnu raspravu (utvrđeni Prijedlog Zaključka je u prilogu ovog zaključka).

Ad 2)

Priprema za održavanje 20. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći zaključak:

- 20. sjednica Gradskog vijeća će se održati u **srijedu 26.10.2022. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **petak 07.10.2022. godine do 12.00 sati**;
- Sjednice radnih tijela, u pripremi 20. sjednice Gradskog vijeća, će se održavati **od ponedjeljka 10.10.2022. godine do petka 14.10.2022. godine**;
- Pozivi gradskim vijećnicima za 20. sjednicu Gradskog vijeća će se uputiti u **utorak 18.10.2022. godine**.

Član Kolegija **Toni Vukadin** je napustio sjednicu Kolegija u 14.15 sati.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Jasmin Ademović, predsjedavajući Gradskog vijeća je konstatovao da je Kolegij Gradskog vijeća, kao ovlaštenu predlagač, prilikom razmatranja tačke 1. dnevnog reda današnje sjednice Kolegija usvojio zaključak kojim je utvrdio Nacrt Programa rada Gradskog vijeća Grada Sarajeva za 2023. godinu, te **je Nacrt Programa spreman** i očekuje se da će biti uvršten u prijedlog dnevnog reda 20. sjednice Gradskog vijeća.

Izveštaj o primjeni Odluke o upotrebi grba, imena i isticanju zastave Grada Sarajeva, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 20. sjednice Gradskog vijeća.

Nacrt Odluke o izmjenama i dopunama Odluke o korištenju, održavanju i čuvanju uređenih korita i obala vodotoka na području grada Sarajeva ili Nacrt Odluke o korištenju i održavanju uređenih vodotoka na području grada Sarajeva, prema informaciji Gradonačelnice, **nije spreman** i neće biti uvršten u prijedlog dnevnog reda 20. sjednice Gradskog vijeća.

Aida Bajramović, rukovodilac Stručne službe za poslove kabineta i poslove Gradske uprave je obrazložila da se još uvijek nisu stekli uslovi za izmjenu odnosno donošenje nove Odluke obzirom da je oblast vodotoka jako kompleksna, te da je potrebno dodatno vrijeme prije nego nova odluka bude predložena.

Nacrt Programa podizanja spomenika od značaja za Grad Sarajevo kojima je Grad Sarajevo investitor za 2023. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 20. sjednice Gradskog vijeća.

Nacrt Budžeta Grada Sarajeva za 2023. godinu prema informaciji Gradonačelnice, **nije spreman** i neće biti uvršten u prijedlog dnevnog reda 20. sjednice Gradskog vijeća.

Aida Bajramović, rukovodilac Stručne službe za poslove kabineta i poslove Gradske uprave je obrazložila da su razlozi krajnje objektivne prirode, te da su aktivnosti na sačinjavanju teksta Nacrta Budžeta otpočete i na ovim poslovima se intenzivno radi. U njega su pored Gradske službe finansija, uključene sve Gradske službe za upravu i stručne službe. Cilj je utvrditi što kvalitetniji, objektivniji i sveobuhvatniji Budžet za 2023. godinu, te je procjena da će za novembarsku sjednicu Gradskog vijeća materijal biti spreman, a da će Prijedlog Budžeta biti razmatran na sjednici Gradskog vijeća koja će se održati u mjesecu decembru ove godine. Na ovaj način će se ispoštovati i propisani rokovi za donošenje ovog akta.

Nacrt Odluke o izvršavanju budžeta Grada Sarajeva za 2023. godinu prema informaciji Gradonačelnice, **nije spreman** i neće biti uvršten u prijedlog dnevnog reda 20. sjednice Gradskog vijeća.

Aida Bajramović, rukovodilac Stručne službe za poslove kabineta i poslove Gradske uprave je obrazložila da se radi o materijalu koji je u direktnoj vezi sa Nacrtom Budžeta Grada Sarajeva za 2023. godinu.

Informacija o sufinansiranju rada udruženja za podršku djeci i odraslim osobama u poteškoćama u razvoju prema informaciji Gradonačelnice, **je spremana** i očekuje se da će biti uvrštena u prijedlog dnevnog reda 20. sjednice Gradskog vijeća.

Jasmin Ademović, predsjedavajući Gradskog vijeća je upoznao članove Kolegija da će odluke o dodjeli priznanja i nagrada Grada Sarajeva u 2022. godini biti predložene na 20. sjednicu Gradskog vijeća ukoliko prijedlozi za dodjelu priznanja i nagrada budu podneseni, te ukoliko Komisija za izbor i imenovanja utvrdi prijedloge i uputi Gradskom vijeću na razmatranje na 20. sjednicu, a sve u skladu sa Odlukom o priznanjima i nagradi Grada Sarajeva.

Nacrt Program međunarodne saradnje Grada Sarajeva za 2023. godinu prema informaciji Gradonačelnice, **je spreman** i očekuje se da će biti uvršten u prijedlog dnevnog reda 20. sjednice Gradskog vijeća.

Informacija o saradnji i odnosima organa Grada Sarajeva sa vjerskim zajednicama i crkvama, prema informaciji Gradonačelnice, **je spremana** i očekuje se da će biti uvrštena u prijedlog dnevnog reda 20. sjednice Gradskog vijeća.

c. Teme koje su planirane Programom rada Gradskog vijeća Grada Sarajeva za 2022. godinu iz predhodnih mjeseci

Prijedlog Odluke o davanju saglasnosti na Memorandum o saradnji Grada Sarajeva s Memorijalom u Nirnbergu, planiran za razmatranje u mjesecu septembru, prema informaciji Gradonačelnice, **nije spreman** i neće biti uvršten u prijedlog dnevnog reda 20. sjednice Gradskog vijeća.

Jasmin Ademović, predsjedavajući Gradskog vijeća je podsjetio da je u pripremi Prijedlog Statuta Grada Sarajeva, te da je Poslovníkom Gradskog vijeća propisano da Prijedlog Statuta Grada Sarajeva mora biti upućen gradskim vijećnicima najmanje 14 dana prije dana određenog za održavanje sjednice Gradskog vijeća na kojoj će se prijedlog razmatrati, a to znači da je rok za upućivanje Statuta Grada Sarajeva na 20. sjednicu Gradskog vijeća srijeda 12.10.2022. godine.

d. Novi prijedlozi:

Aida Bajramović, rukovodilac Stručne službe za poslove kabineta i poslove Gradske uprave je informisala članove Kolegija Gradskog vijeća da će **Benjamina Karić gradonačelnica Grada Sarajeva** za 20. sjednicu Gradskog vijeća predložiti i sljedeće materijale:

Prijedlog Odluke o izmjenama i dopunama Budžeta Grada Sarajeva za 2022. godinu

Aida Bajramović, rukovodilac Stručne službe za poslove kabineta i poslove Gradske uprave je obrazložila da su razlozi za uvrštavanje ove tačke dnevnog reda prije svega inflatorni skokovi koji se dešavaju u posljednje vrijeme, a koji su rezultat aktuelne situacije kako u našoj zemlji tako i šire, kao i povećanje prihoda do kojih je došlo po osnovu indirektnih poreza, te da je navedeno realna pretpostavka pristupanju izmjenama i dopunama Budžeta uz namjeru da se u sačinjavanje ovog dokumenta uključe relevantni subjekti.

Prijedlog Odluke o izmjenama i dopunama Odluke o platama i naknadama u organima Grada Sarajeva – skraćeni postupak.

Aida Bajramović, rukovodilac Stručne službe za poslove kabineta i poslove Gradske uprave je obrazložila da se radi o potrebi usklađivanja Odluke o platama i naknadama u organima Grada Sarajeva sa zakonom i drugim propisima, kao i potrebi prilagođavanja ovog akta sa organizacijom organa uprave, a naročito u situaciji ukoliko Gradsko vijeće donese

Odluku o izmjenama i dopunama Odluke o organizaciji koja treba biti razmatrana na 19. sjednici Gradskog vijeća Grada Sarajeva.

Nacrt Odluke o izmjeni Odluke o podizanju spomenika bosanskom kralju Tvrtku I Kotromaniću.

Aida Bajramović, rukovodilac Stručne službe za poslove kabineta i poslove Gradske uprave je obrazložila da je u postupku ishodovanja urbanističke saglasnosti, Komisija za očuvanje nacionalnih spomenika dala negativno Mišljenje broj 09-04-1317 od 06.09.2022. godine na dostavljeno idejno rješenje. U dostavljenom Mišljenju navedeno je da idejno rješenje nije u skladu sa Odlukom o proglašenju historijskog urbanog pejzaža Sarajeva ("Službene novine BiH" broj: 1/21 I 10/21), tačnije izvodom iz priloga 5., stav (14), tačka a). Nova predložena lokacija nije u obuhvatu predhodno navedene Odluke Komisije za očuvanje nacionalnih spomenika. Predložena lokacija se nalazi uz repliku srednjovjekovnog stećka koji predstavlja historijski period srednjeg vijeka, ujedno i period vladanja bosanskog kralja Tvrtka. Lokalitet je predložen jer omogućava sagledivost spomenika sa svih strana, a u blizini je državnih institucija.

Zadržava se isto predhodno usvojeno idejno rješenje uz izmjenu lokacije, te je potrebno izmjeniti važeću Odluku kako bi se definisala nova lokacija.

Prijedlog Odluke o davanju saglasnosti na program aktivnosti za Dan obilježavanja opsade Sarajeva 1992.-1995. – skraćeni postupak.

Aida Bajramović, rukovodilac Stručne službe za poslove kabineta i poslove Gradske uprave je obrazložila da je Prijedlog Odluke o davanju saglasnosti na program aktivnosti za Dan obilježavanja opsade Sarajeva 1992.-1995. bio planiran za razmatranje na 19. sjednici Gradskog vijeća, ali iz objektivnih razloga nije bio pripremljen, te će Odluka biti predložena za razmatranje i odlučivanje na 20. sjednicu Gradskog vijeća.

Ad 3)

Predlaganje kandidata za članove „Odbora za dodjelu Šestoaprilske nagrade Grada Sarajeva“ za 2023. godinu iz reda istaknutih javnih djelatnika

Jasmin Ademović, predsjedavajući Gradskog vijeća je podsjetio članove Kolegija da je u skladu sa propisanom procedurom isticanja kandidata za Odbor za dodjelu „Šestoaprilske nagrade Grada Sarajeva“ u 2023. godini, potrebno da Kolegij Gradskog vijeća kandidira Komisiji za izbor i imenovanja Gradskog vijeća kandidate iz reda istaknutih javnih djelatnika za članove Odbora za za dodjelu „Šestoaprilske nagrade Grada Sarajeva“ u 2023. godini kako bi Komisija za izbor i imenovanja utvrdila Prijedlog Odluke o formiranju Odbora za dodjelu „Šestoaprilske nagrade Grada Sarajeva“ u 2023. godini i uputila ga Gradskom vijeću na razmatranje i usvajanje.

Naglasio je da je bitno da se na 20. sjednici Gradskog vijeća donese Odluka o formiranju Odbora, kako bi Odbor mogao na vrijeme početi s radom, te predložio da se, ukoliko članovi Kolegija Gradskog vijeća nemaju pripremljene prijedloge za današnju sjednicu, održi još jednu sjednicu Kolegija u petak 07.10.2022. godine ili u ponedjeljak 10.10.2022. godine kako bi Komisija za izbor i imenovanja na vrijeme mogla utvrditi Prijedlog Odluke i uputiti ga Gradskom vijeću na razmatranje.

Jasmin Ademović, predsjedavajući Gradskog vijeća je predložio, a članovi Kolegija Gradskog vijeća prihvatili prijedlog da svi klubovi gradskih vijećnika **do četvrtka 06.10.2022. godine**, na službeni mejl Gradskog vijeća: pisarnica@sarajevo.ba pošalju prijedloge kandidata iz reda istaknutih javnih djelatnika za članove Odbora za za dodjelu

„Šestoaprilske nagrade Grada Sarajeva“ u 2023. godini, te da uz predložene kandidate dostave i njihove biografije.

U raspravi koja je uslijedila učestovao je član Kolegija **Adi Škaljić**.

Ad 4)

Tekuća pitanja

Jasmin Ademović, predsjedavajući Gradskog vijeća je podsjetio članove Kolegija da su uz poziv za sjednicu Kolegija Gradskog vijeća dostavljeni akti koje je dostavilo JP „Olimpijski bazen Otoka“ d.o.o. Sarajevo i to prijedlog da se u rebalansu planiraju sredstva i prijedlog da se u Budžetu za 2023. godinu planiraju nedostajuća sredstava za rad ovog javnog poduzeća.

Napomenuo je da je Skupština JP „Olimpijskog bazena Otoka“ d.o.o. Sarajevo dostavila Gradskom vijeću akte u formi u kojoj se Gradsko vijeće o njima ne može očitovati, te su isti proslijeđeni Gradonačelnici da ih razmotri pri predlaganja rebalansa odnosno budžeta.

Također je podsjetio da će Gradsko vijeće, na 19. sjednici, razmatrati Informaciju o radu i poslovanju JP „Olimpijski bazen otoka“ d.o.o. Sarajevo za period 01.01. – 30.06.2022. godine.

Jasmin Ademović, predsjedavajući Gradskog vijeća je postavio pitanja u kojoj fazi je realizacija zaključaka i inicijativa Gradskog vijeća Grada Sarajeva usvojenih na 18. sjednici održanoj 26.07.2022. godine, a koji se odnose se na zgradu DPO.

Odgovore na postavljena pitanja i pojašnjenja dala je **Aida Bajramović, rukovodilac Stručne službe za poslove kabineta i poslove Gradske uprave**.

U raspravi koja je vođena o poboljšanju i unapređenju sveobuhvatnosti teksta Prijedloga Deklaracije o osudi stavova Zorana Milanovića prema Bosni i Hercegovini, koji je predložio gradski vijećnik Toni Vukadin, kao i prijedlozima da se Deklaracija povuče sa 19. sjednice Gradskog vijeća te na 20. sjednicu predloži u poboljšanom tekstu učestovali su članovi Kolegija **Marijela Hašimbegović, Seid Škaljić, Adi Škaljić, Vedad Deljković, Jasmin Skrupan, Mirela Džehverović, zamjenica Predsjedavajućeg Gradskog vijeća i Dragan Stevanović, zamjenik Predsjedavajućeg Gradskog vijeća**.

Jasmin Ademović, predsjedavajući Gradskog vijeća je podsjetio članove Kolegija Gradskog vijeća da su uz poziv za 19. sjednicu Gradskog vijeća dostavljeni i dodatni materijali i to:

1. Informacija o statusu postupka uknjižbe prava vlasništva Grada Sarajeva u pogledu nekretnine – objekta Upravne zgrade DPO
2. Informacija io opravdanosti ulaganja budžetskih sredstava u organizaciju javnog dočeka Nove godine

Obzirom da pod ovom tačkom dnevnog reda nije bilo prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 15.10 sati.

SEKRETAR GRADSKOG VIJEĆA

Mila Eminović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.